



Xiomara Maduro:
**GOBIERNO NOBO A
KIBRA DISCIPLINA
FINANCIERO DI ARUBA**



WWW.SOLODIPUEBLO.COM



SOLODIPUEBLO@GMAIL.COM

**FUTURO TA RIPITI E MESUN
MAL EHEMPEL DI AVP DI
CREA CRISIS DI VIVIENDA PA
ESNAN DEN MAS NECESIDAD
DEN COMUNIDAD**



Ariba orden di Hues
**SOSPECHOSO DI MATAMENTO DEN
PINDASTRAAT LAGA LIBER**

**SI REDUCI PRESUPUESTO CU
4% POR CUMPLI CU E 700
FLORIN PRIMINTI NA NOS
PENSIONADONAN**



**SI NO A TRATA
PRESUPUESTO NA ORA
GOBIERNO LO A HAYA UN KB**

PARLAMENTARIO XIOMARA MADURO TA INFORMA DURANTE TRATAMENTO DI PRESUPUESTO 2025:

**Futuro ta ripiti e mesun mal ehempel di AVP di crea crisis di vivienda
pa esnan den mas necesidad den comunidad**

E ta conoci cu partido AVP nunca a traha un cas social pa esnan den mas necesidad. Mike y AVP a percura pa traha un megadebe pa Aruba den gabinetenan Eman I y II, sinembargo ni un florin di e miyones ey a bay pa traha cas social pa esnan cu mester un dak pagabel riba nan cabes. E mal desicion aki ta locual awe ta causa un crisis den vivienda social, na unda cu tin 3.700 peticion na FCCA pa yega na un cas. FCCA lamentablemente no por cumpli pa motibo di no por yega na fondo barata via gobierno pa por traha e casnan na un prijs razonabel.

AVP a crea un crisis pa cas social

Ta bon pa splica cu no ta di awo FCCA tin necesidad pa yega na fondonan barata. Tabata na aña 2009 cu Gabinete Oduber di MEP a fia FCCA 10 miyon florin di e placa di Plant N.V. na interes reduci di 2% pa asina FCCA por a traha casnan social. Di e placa aki FCCA a tuma 2 miyon florin pa cuminsa traha, pero bou di gabinete Eman I y II no por a haya mas fondo. Te na aña 2016, Mike a dicidi pa regala FCCA tur

e casnan social cu gobierno mes a yega di traha, como un sorto di pago na FCCA, ya cu FCCA por a bende nan cu esnan cu pa hopi aña tabata huur e casnan na un prijs barata. Sinembargo esaki no a produci e fondonan necesario pa cubri e necesidad financiero pa traha otro casnan na prijs pagabel. Banda di esaki FCCA pa mas di 40 aña no por a indexa e prijsnan di e casnan social, como cu gobierno no a subi e subsidio cu FCCA ta haya. Tur esaki a crea un crisis pa FCCA por brinda casnan social na comunidad.

Tur instancia ta adverti cu mester yuda FCCA

No ta solamente FCCA ta 'trek aan de bel' cerca gobierno pa e falta di casnan pagabel. Banco Central di Aruba na varios ocasion a pidi atencion pa e situacion di falta di casnan pagabel. E metanan di desaroyo sostenibel, SDG 11, tambe ta exige gobiernonan pa inverti den casnan pagabel. Sin lubida cu IMF den nan evaluacion financiero y economico di Aruba, Article IV Mission, tambe ta evalua kico Aruba ta haci pa cumpli cu e necesidad pa por tin suficiente



casnan pagabel na Aruba.

MEP ta pone fondo y AVP apoya pa Futuro ta bolbe crea mas crisis

Gabinete Wever-Croes di MEP a percura pa despues di a stabilisa Aruba su economia y finansa publico, pa pone 17 miyon florin di e surplus di aña 2025 disponibel pa un fianza barata na FCCA pa por cuminsa traha entre 150 pa 200 cas social. Banda den esaki a reserva 2,7 miyon florin pa FCCA no mester hisa e prijsnan di e

casnan social. Lamentablemente den e prome 8 ora cu Gabinete Eman III a tuma mando, AVP apoya pa Futuro ta kita e 17 miyon florin y e 2,7 miyon florin, y ta laga FCCA sin placa atrobe pa traha casnan pagabel y cu un probabel subida di huur di casnan social. Di e manera aki, Futuro na su prome salida den gobernacion ta ripiti e mesun mal ehempel di AVP, di no traha ningun cas social y crea mas crisis di vivienda pa esnan di mas necesidad den comunidad.

TRAFICO SIGUR

UZO DI CELULAR DEN TRAFICO, UN PROBLEMA GRANDI

**Nos Celebro no ta diseña pa Multi-task, bo ta peligra
bo bida y di otronan**

Parlamentario Xiomara Maduro

TRASPASO DI GOBIERNO TABATA UN EHEMPEL DI MADUREZ POLITICO

Den un entrevista den "Interes di Pueblo" diasabra mainta, mr. Xiomara Maduro, ex-Minister di Finansa, a elabora riba e traspaso di gobierno. El a destaca cu e proceso a tuma luga den un ambiente positivo y ordena, reflehando e respet cu gobernacion di Aruba merece.

Maduro a compara esaki cu e traspaso den 2017, unda e situacion tabata caotico, cu daño na infraestructura y falta di preparacion.

Maduro a enfatisa e importancia di laga un legado positivo, mustrandu amor pa pais Aruba te n'e momentonan final di gobernacion. El a elogia e gesto di e Prome Minister saliente di

yama esun entrante, y a resalta e habilidadnan di liderasgo y diplomacia di Evelyn Wever-Croes.

Segun Maduro, esaki ta un prueba cu Wever-Croes ta un lider dedica na bienestar di Aruba, hasta den e momentonan crucial.

Partido MEP:

PARLAMENTARIO EVELYN WEVER CROES TABATA PRESENTE NA CAS DI CULTURA PA E EXPOSICION Y DOCUMENTARIO "FACES OF ART"

Durante fin di siman señor Peter van den Heuvel a organisa un exposicion y e prome documentario "Faces of Art". Señor Peter van den Heuvel cu ta un artista su mes, a entrevista 8 artista local pa asina e por captura e spirito y talento di cada un di nan.

Basa riba e informacion cu el a colecta di cada un, el a traha un documentario, y despues el a crea un portrait di cada un. E artistanan aki ta Kevin Gumbs, Kyle Winklaar, Xalsky Schwengle, Mitch Almary, Kim Violenes, Ryan Tromp, Paul Wong y Adriana Cereste.

Pa expone e bunita trabou di cada un di e artistanan local aki via e documentario, señor van den Heuvel a organisa e exposicion pa asina publico en general por pasa pa admira su arte.

Riba e dia aki tambe tabata presente tur e artistanan cu el a pinta pa asina nan por aprecia e bunita trabou cu señor van den Heuvel a crea di cada un di nan.

Parlamentario pa fraccion di MEP Evelyn Wever-Croes tabata presente y a expresa di ta sumamente bunita pa mira con un artista, Peter van den Heuvel ta honra otro artistanan local dunando nan e balor pa comunidad sera conoci cu nan.

El a expresa cu esaki ta e union cu Aruba mester pa nos cultura y nos artistanan local por sigui crece.

Parlamentario Wever-Croes ta felicita y gradici señor Peter van den Heuvel pa e bunita exposicion y documentario, y tur esnan cu a haci esaki posibel.





Noticia di Corte Ariba orden di Hues

SOSPECHOSO DI MATAMENTO DEN PINDASTRAAT LAGA LIBER AWE

ORANJESTAD – Awe mainta, despues cu ayera Hues a sera tratamento di e caso y a bisa cu dia 15 April 2025 lo tin sentencia, Hues a ordena pa laga Gregory Zuleta Rave (22) liber.

SOLO DI PUEBLO por a compronde cu Fiscal a existi 9 aña di prison pa Gregory Zuleta Rave, kende Fiscal ta haya culpabel di a dal mata Corniel Tejada riba 3 Juli 2024. Awor ta presenta e situacion cu awe mainta Hues a ordena pa laga Gregory Zuleta Rave liber.

SOSPECHOSO DI MATA LAGA LIBER

Dia 14 di Maart 2025, tratamento di e caso a tuma lugar caminda durante tratamento di e caso, e sospechoso Gregory ta para riba cu el a defende su mes contra e victima Corniel Tejada. Fiscal no ta kere esaki. Fiscal ta haya cu Gregory a dal mata Corniel Tejada. Fiscal ta haya Gregory culpabel di a mata y a existi 9 aña di prison.

Awe mainta, Hues a duna orden pa laga

Gregory liber. Ta asina cu e abogado mr. Canwood, durante tratamento di e caso, a bisa Hues cu su cliente a actua den defensa propio contra Corniel Tejada y cu e abogado ta haya cu mester declara Gregory liber.

E hecho cu un Hues ta ordena pa laga un sospechoso liber promer cu su sentencia, tin nifica cu e Hues tin un otro opinion cu loke Fiscal a existi. Dia 15 di April 2025 lo haya sa kico ta e decision di Hues cu el a ordena pa laga Gregory liber.

FRACCION DI PPA TA PROPONE AUMENTO DI 6.5 MIYON PA GASTONAN DI PERSONAL DEN CUERPO POLICIAL

Fraccion di PPA den Parlamento a propone un aumento di 6.5 miyon pa gastonan di personal den Cuerpo Policial pa asina cuminsa reduci e deficit di 52% den falta di personal pa KPA. Ta pagando awendia 12 miyon Florin na overtime mientras cu por a emplea 200 agente adicional pa e mesun suma aki y sigui habri klasnan regularmente pa recluta mas personal pa e cuerpo durante eproximo añanan.

Banda di esaki, Oduber a menciona cu den e amienda ta pone 5.5 miyon Florin adicional pa Cuerpo Policial pa asina por sigura ekiponan necesario, manera entre otro “bodycams” y “dashcams” pa por funciona den forma

optimo, garantizando ambos e seguridad di e agente policial como tambe e ciudadano.

Parlamento a bay unanimamente di acuerdo cu e mocion pa duna placa y instrumentonan na Cuerpo Policial pa nan por funciona. Otmar Oduber den su discurso den Parlamento a bisa cu e kier wak si miembronan di Parlamento ta pone echo tras di nan palabra y vota na favor di e amienda aki, permitiendo asina pa por ekipa Cuerpo Policial cu hende y instrumentonan necesario.

Den sala di Parlamento mes, hefe di Cuerpo Policial a indica cu nan ta 52% onderbezet y ta puntra



su mes ta con kier pa e agente policial funciona, inclusive ta papia di 300 pa 400 polis riba caya cu no tin y ta inhumano pa pone esnan laborando traha asina hopi overtime, yegando manera menciona

ariba, na 12 miyon Florin por a emplea 200 agente siendo cu e suma aki lo policial adicional.



Otmar Oduber

SI REDUCI PRESUPUESTO CU 4% POR CUMPLI CU E 700 FLORIN PRIMINTI NA NOS PENSIONADONAN

Fraccion di PPA den Parlamento a propone pa reduci e gastonan general di presupuesto cu 4%. Cu e reduccion aki por cubri e aumento di 700 Florin proponi pa nos pensionadonan.

Durante campaña Partido PPA a papia di reduccion di 10% no den goederen en diensten solamente, pero den henter presupuesto nacional. Mirando cu ta trata di e prome aña di gobernacion, ta propone un reduccion di 4%, cual por wordo logra door di independisacion di algun departamento y door di haci maximo uso di edificionan cu ta para cu ta cera, cual na e momentonan aki ta 31 edificio y pa cual ta huur un total di 47 edificio.

Despues di esaki, consecutivamente durante e proximo 3 añanan e recorte den presupuesto por subi cu 2%, yegando asina na 10% den 4 aña. “Ta kier bo mester kier, anto bo por hacie. Bo

mester tin curashi si bo kier pone prioridad riba e asuntonan cu ta mas urgente. Pa nos den e amienda aki ta un promesa cu a wordo haci door di tur partido politico na nos grandinan. “Realidad ta cu no a priminti 250 florin. A haci un compromiso di 700 florin cu nos pensionadonan. Awe AVP y FUTURO ta bisa cu mester

warda wak kiko ta yega na dje cu Hulanda pa loke ta RAFT, mientras cu di otro banda ta bisa fu porta mester bai adapta e prima di AOV.

Niun di e dos argumentonan aki a worde menciona den eleccion na nos comunidad ora a priminti e aumento di 700 florin”, Otmar Oduber a duna di conoce.



100 Years Of Superior Experiences

Cada sueño mester di un Heroe!

Tur cen cu bo spaar ta un paso mas cerca pa logra e sueño di cada mucha. Habri un Cuenta ABC awe y disfruta:



Cuminsa spaar awor, pa sigura nan futuro.



Gana interes mientras bo ta logra realiza nan sueño.



Habri un cuenta facil for di unda cu bo ta.



Participa pa gana AWG 1000 automaticamente.

Scan pa ta un Heroe di nan sueño.

*T&C Apply



Arubabank®



Rocco Tjon den Interes di Pueblo:

SI NO A TRATA PRESUPUESTO NA ORA GOBIERNO LO A HAYA UN KB

Den un ambiente politico polarisa, Parlamentario Rocco Tjon a denuncia e obstaculisation di e presupuesto 2025. Segun Tjon, e presidente anterior di Parlamento a uza su poder pa tranca e tratamiento di e ley, un accion cu a paralisa e progreso di Aruba. Durante e programa radial Interes di Pueblo, Tjon a indica cu e decision aki a crea un incertidumbre financiero alarmante, afectando departamentonan gubernamental, fundacionnan crucial, y comersio.

E presupuesto, cu tabata completamente prepara y aproba p'e instancianan relevante, a keda wanta pa motibonan politicamente motiva. E consecuencianan tabata pisa: stagnacion economico, servicionan publico paralisa, y un menasa real di intervencion di Hulanda den forma di un KB, un medida cu lo tabata un golpi duro p'e imagen di Aruba.

E urgencia pa resolve e impasse a bira evidente cu e acercamento di deadline di 31 di maart. Solamente



despues di huramentacion di un gobierno nobo, e ley a wordo aproba cu urgencia, evitando un crisis financiero mayor.

Tjon a conclui enfatisando e importancia di e presupuesto como e fundeshi pa tur actividad

publico y priva, ilustrando con tensionnan politico por pone futuro di un pais na peliger.

Rocco Tjon den "Interes di Pueblo"

MINISTERNAN DI MEP A ENTREGA TUR COS COMPLETO N'E GOBIERNO NOBO

Den e programa "Interes di Pueblo" diasabra ultimo, Parlamentario Rocco Tjon di fraccion di MEP a elabora riba e traspaso di gobierno recien, cual el a califica como un momento historico di transparencia y eficiencia. Tjon a destaca cu e dia di traspaso tabata uno largo, pero sumamente productivo, caminda pa prome biaha, ministernan saliente a reuni cu nan sucesornan pa un entrega detaya di responsabilidadnan.

Tjon a resalta cu e traspaso no tabata limita na un simple splicacion di trabou realiza, pero a inclui entrega di tur documento relevante, mapanan, ordennan, y dossiernan.

Cada minister a sinta personalmente cu su contraparte, brindando conseho y facilitando tur material necesario pa continuidad di trabou. Esaki a sigura cu e ministernan nobo por a cuminsa traha di inmediato, sin interrupcion.

Ademas, a entrega tur oficina completamente ekipa, incluyendo tur ekipo necesario. Tjon a enfatisa cu e esfuerso aki no solamente a beneficia e ministernan nobo, pero tambe departamentonan gubernamental, fundacionnan, y en special, e comunidad di Aruba. E traspaso meticuloso, resultado di simannan di preparacion, ta un ehempel di compromiso cu servicio publico eficiente y transparente.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



Xiomara Maduro: GOBIERNO NOBO A KIBRA DISCIPLINA FINANCIERO DI ARUBA



Durante Interes di Pueblo na TOP FM 95 diasabra ultimo, Parlamentario mr. Xiomara Maduro a critica e accionnan rapido di e gobierno nobo, specialmente riba presupuesto 2025.

El a expresa su preocupacion cu, despues di hopi aña, Aruba a logra entrega presupuestonan na tempo, algo cu e gobierno nobo a stroba.

Maduro a splica cu despues di eleccion, tabatin un intento pa para e tratamiento di presupuesto. El a acusa ex-Parlamentario Eman y Presidente di Parlamento Gerlien Croes di actua di forma dictatorial, mandando e presupuesto pa conseho sin debate.

Despues di formacion di gobierno, e Minister di Finansa nobo a presenta un nota di cambio,

anulando un amienda anterior di AVP. Maduro a señala cu e prome acto di gobierno tabata corta den e areanan esencial, manera enseñansa, contrario na loke nan a campaña y discuti durante formacion di gobierno.

El a conclui cu e gobierno nobo a kibra e disciplina financiero cu Aruba a traha duro pa establece.

Parlamentario Shailiny Tromp-Lee: TA KEDA NA PUEBLO PA TA SKERPI Y EXIGI PA GABINETE CROES-EMAN CUMPLI CU NAN PROMESANAN Y YA NAN A SALI MALO CABA

Diabierna siman pasa nos ta continua cu tratamento di presupuesto di Pais Aruba pa aña 2025. Un presupuesto prepara y presenta pa Gabinete Wever-Croes pero cu continuacion di su tratamiento a keda defendi pa Gabinete Croes-Eman.

Na mi opinion e situacion aki sigur tabata uno hopi peculiar. Banda di e echo cu apenas algun ora prome cu e reunion a inicia e gobierno nobo cu a huramenta dilanti di Gobernador y cu ta apenas e dia prome parti atardi partidonan Futuro y AVP a firma nan acuerdo di gobernacion. Un acuerdo cu como parlamentario via canalnan inoficial mi a ricibi.

Sigur durante e reunion mi a haci uzo di e oportunidad

pa felicita Gabinete Croes-Eman cu nan nombracion y a desea e gabinete completo hopi sabiduria y inteligencia. Y a enfatisa e echo cu mi ta spera cu enberdad nan por traha na bienestar general di nos pais y nos hendenan, y cu lo sa di aplica reglanan di bon gobernacion y un maneho financiero responsabel. Pasobra realidad ta cu mi ta spera di curason cu nan lo haya e forsa necesario pa por confia otro, laga bienestar general prevalece y no di partido y/of esun personal, y cu nan por laga nan pasado amargo atras y enberdad forma e equipo necesario pa por maneha e pais aki.

Como un 'outsider' ami como parlamentario y pueblo en general a experiencia cu nan relacion a start hopi 'stroef'. Ta di



spera cu riba un tempo corto, contrario na e proceso di formacion, nan por acelera e proceso di mehoracion y fortificacion di nan relacion. Pasobra awor nan mester cuminsa traduci palabranan bunita den realidad.

Riba tereno financiero Gabinete Wever-Croes a laga hopi placa den caha pa nan por cristalisa nan promesanan. Ta keda na

pueblo pa keda skerpi cu e cumplimento di parti Gabinete Croes-Eman awor.

Ya a sali na cla durante e reuniona aki cu nan no lo cumpli cu e aumento di pensioen cu Afl. 700 den 100 dia mas. Tambe nan a tuma e decision pa kita e posibilidad pa FCCA por haya un fianza di Gobierno di 17 miyon na interes abou pa por bin cu 150-200 cas

social y Afl. 2.7 miyon pa yuda FCCA cu suma di huur di cas. Banda di e tristo realidad cu mediante e nota di cambio presenta pa Gabinete Croes-Eman a corta den servicio y producto, cual ta nifica entre otro (tin mas) un recorte di: 1.4 miyon den Turismo y Salubridad Publico, 2.9 miyon den Enseñansa y Deporte y 6.2 miyon den Husticia y Asuntunan Social.

ARUBA BANK ANNOUNCES DATES FOR WALK & RUN 2025: OWN YOUR VICTORY!

As we celebrate 100 years, Walk & Run 2025 will welcome 2,600 participants, 100 more than usual, making it the biggest edition yet! This year's schedule is as follows:
Day 1 – Paradera Day 2 – San Nicolas Day 3 – Noord (New Route) Day 4 – Oranjestad
Registration Details:

- Opens May 1, 2025 at 6PM – online (Limited to 2,600 participants)
- Fee: AWG 25 for all four days
- Individual & Team Options: Register solo or as a team of five
- Payment Deadline: first 2600 registrants -3 days to secure participation and after based on First come, first served until event sells out.
- Payment Methods: Credit Card, Online Transfer, Debit Card (No cash payments accepted)
Participants will receive an exclusive dri-fit shirt, BIB with a timing chip, and promotional items for 2025.
- Exciting Prizes & Rewards
Top 5 Overall Runners (Men & Women): 1st: AWG 1,000 2nd: AWG 750 3rd: AWG 500 4th: AWG 300 5th: AWG 150
Team Prizes: 1st: AWG 750 2nd: AWG 500 3rd: AWG 250
Top 5 Winners in Age Categories will also be rewarded with a category medal. Special Surprise Gift for those who complete all four days. AWG 500 Random Prize for a participant who runs all four days.
Aruba Bank remains dedicated to eco-friendly initiatives. Participants are encouraged to bring their own reusable water bottles each day to reduce plastic waste.
The Aruba Bank Walk & Run is an

event for the entire community, whether walking or running, everyone is welcome to move together and Own Your Victory!

Stay updated by following us on Facebook and Instagram, and do not forget to download the Walk & Run App.

Save the date – May 1st for registration! Don't miss the chance to be part of this exciting event!

Aruba Bank wants to thank all the partners who will make this great event possible: IBiSA, Subway, KPA, Patrishi Sports, Volunteer Motor Unit, Red Cross, and the volunteers. We count on their support once again for the great Aruba Bank Walk & Run 2025.

Press release: Aruba Bank ta anuncia fecha pa Walk & Run 2025: Own Your Victory!

Oranjestad – 25 di maart 2025 - Durante un conferencia di prensa, Aruba Bank a anuncia cu orguyo e evento hopi anticipa: Walk & Run 2025, cu lo tuma lugar dia 19, 20, 21 y 22 di mei. E edicion di 2025 lo ta e di 19 edicion, cu e tema: Own Your Victory hunto cu nos partnernan Subway y IBiSA. E evento aki ta hopi mas cu un careda, e ta reconoce bo esfuerzo y celebra cada paso dilanti.

Den nos celebracion di 100 aña, Walk & Run 2025 lo duna un total di 2,600, 100 participante mas e oportunidad pa forma parti di e evento grandi aki! E schedule e aña aki ta como lo siguiente:

- 1 – Paradera 2 – San Nicolas 3 – Noord (Ruta Nobo) 4 – Oranjestad
- Detayenan di registracion: • Ta habri dia Online 1 di Mei 2025- 6PM (Limita pa 2,600 participante) • Costo: AWG 25 pa tur cuater dia • Opcion pa registra Individual of Team di 5 • Prome 2600 registrantenan tin 3 pa paga pa sigura bo participacion (Despues di esey esun cu yega prome ta haya su spot) • Metodo di pago: Tarheta di credito durante



registracion, Transferencia online, Tarheta di debito na IBISA (No ta acepta pago cash)

Entrante 5 di mei por pasa IBISA Oranjestad y busca bo pakete!

Participantenan lo ricibi un shirt dri-fit exclusivo, BIB cu chip y articulonnan promocional pa 2025.

Premionan: Top 5 Overall (Hombey y Muher): AWG 1,000 AWG 750 AWG 500 AWG 300 AWG 150

Premionan pa Teamnan: AWG 750 AWG 500 AWG 250

E Top 5 gana den cada categoria di edad lo ricibi un medaya Sorpresa special pa esnan cu finalisa tur cuater dia. Premio extra di AWG 500 pa un participante cu participa tur cuater dia.

Aruba Bank ta sigui comprometi cu un ambiente sostenibel. Nos ta stimula participanten pa trece nan propio boter di awa re-usable pa

reduci uzo di cupsnan desechabel. Aruba Bank Walk & Run ta un evento pa henter comunidad – si bo ta core of ta cana, tur hende ta bon bini pa move hunto y Own Your Victory!

Sigui nos riba Facebook y Instagram pa tur updates y no lubida pa download e Walk & Run App. Marca e fecha – 1 di Mei pa registracion! No perde e chens pa forma parti di e evento emocionante aki!

Aruba Bank kier gradici tur e partnernan cu lo yuda pa realisa e evento grandi aki: IBiSA, Subway, KPA, Patrishi Sports, Volunteer Motor Unit, Red Cross, y tur e boluntarionan. Nos ta conta riba nan apoyo atrobe pa e gran evento: Aruba Bank Walk & Run 2025.

TURMERIC PA ACNE: BENEFICIO Y MODO DI USO

Durante hopi aña, turmeric a wordo balora pa su aplicacionnan medicinal y cosmetico. Si ta bon, nan sa emplea esaki na nivel culinario, hopi ta prefera pa su efectonan curativo.

Bo tabata sa cu bo por usa turmeric pa acne? Awe nos lo contabo con. Turmeric tin un compuesto bioactivo yama Curcumina, cual ta conferi su color caracteristico y gran parti di su propiedadnan.

E substancia aki ta actua como un antiinflamatorio y antioxidante, siendo util tanto na nivel interno como den su uso topico.

Asina ta, no ta nada straño cu su extractonan ta wordo usa den dermatologia. Aunke investigacionnan riba su propiedadnan ta sigui, actualmente a wordo acepta como complemento natural pa problemanan manera acne. Purb'e!

Dicon ta uza turmeric pa acne?

Curcumina a muestra efectonan antibacteriano util den e maneho dermatologico di afeccionnan manera acne. E beneficianan di usa turmeric pa acne ta varia y interesante. Prome, tin cu destaca su accion antibacteriano capas di combati microorganismonan manera P.acnes, ora cu e wordo combina cu acido laurico.

Su efectonan por compara cu e remedinan manera eritromicina y clindamicina. Di un otro banda, e maraviyoso specerij aki tin efectonan antiinflamatorio cu ta indica di manera positivo riba e problemanan dermatologico.

Si ta bon, ta rekeri mas evidencia cientifico pa comproba su accion contra acne, e datonan anecdotico



ta sugeri cu ta resulta efectivo.

Turmeric y su antioxidantenan tambe tin otro efectonan importante na ora di trata acne. Su aplicacionnan topico ta yuda drecha e tehidonan, minimalisando e presencia di cicatriz.

Tambe, e ta stimula e produccion di colageno y ta disminui e riesgo di lachinan prematuro.

Otro beneficianan di turmeric pa e cuero Cu e diferencia di otro tratamentonan convencional, uza turmeric pa acne ta produci efectonan importante riba e salud di e cuero.

Danki na su contenido di curcumina, vitamina y mineral, ta un bon complemento pa promove e bienestar cutaneo.

- E ta contribui na incrementa e briyo natural di e cuero.

- Ta faborece e curacion di herida.

- Ta un bon complemento pa enfrenta brotenan di psoriasis.

- Ta yuda cu tratamento di sarna

- Ta minimalisa e stress oxidativo y ta preveni embehecimento prematuro.

Tratamento di Turmeric pa acne

Combina cu azeta di coco,



turmeric lo potencia su efectonan antimicrobiano. Pa probech'e na su maximo e propiedadnan di turmeric pa e acne, laga nos propone un tratamiento unda cu nos lo potencia su efecto cu componentenan di azeta di coco.

E ingrediente natural aki ta contene acido laurico, reconoci pa su efecto antimicrobiano util den e tratamiento di acne.

Ademas, azeta di coco a wordo ampliamente studia den dermatologia, ya cu e ta hidrata e cuero y ta apoya e tratamiento di enfermedadnan manera psoriasis y eczema.

Hasta, mescos cu turmeric, ta apoya e proceso di cicatrizacion y regeneracion, minimalisando e accion negativo di e radicalnan liber.

Ingrediente

- 1 cuchara di turmeric na polvo (15 g)

- 2 cuchara di azeta di coco organico (30 g)

- 1 cuchara di honing (15 g)

Preparacion

- Prome basha e turmeric na polvo den un container limpi.

- Despues, agrega e azeta di coco y honing.

- Brouw'e pa algun minuut te ora cu obtene un mescla homogeno.

Modo di aplicacion

- Prome cu extende

efectonan secundario.

Ora cu nos aplica di forma topico, e por mancha temporalmente e cutis of laga un residuo geel. E por disparce cu un bon rutina di limpieza.

Awo bon, den ocasionnan e componentenan ta produci alergia of dermatitis di contacto. Un revision haci na 2015, a haya cu curcumina ta un alergenico y por causa irritacion, haci e cara cora of hinchason na esnan cu no ta toler'e.

Pero, lo ideal ta pa haci un prueba chikito prome cu purba e totalidad di tratamiento di turmeric pa e acne.

Simplemente bo mester pone un poco turmeric riba e antebrazo of riba e areanan di e cuero. Si pasa 24 ora y no tin reaccionnan desfavorabel, bo por ta sigur pa us'e.

Resumiendo...

Turmeric por ta un bon aliado pa acne, specialmente ora cu e ta combina cu azeta di coco. Su uzo mester haci'e cu precaucion, ya cu cerca cierto personanan e por causa alergia.

Por lo demas, e ta resulta di ta un bon opcion pa apoya otro tratamentonan convencional cu e mesun fin.

e mascara riba e areanan afecta pa e acne ta importante retira cualkier residuo di makiyahe of susedad.

- Una bes cu e cara ta limpi, ta procede pa aplica e producto.

- Sigura pa cubri e zonanan problematico completo.

- Lag'e actua 15 minuut y haw'e cu awa lauw.

- Ripiti su aplicacion como un minimo di 3 biaha pa siman.

Nota: e resultadonan contra acne no lo nota di inmediato. Ta importante ta constante cu e remedi pa alcanza e efectonan desea.

Precaucion

Aunke e tratamiento di turmeric pa acne por resulta eficaz, no mester ignora cu e por produci



UNI CU TUR DEPORTISTA ROND DI MUNDO Y LANTA BO CARCHI BLANCO

Campaña di concientisacon “Raise your #whitecard” di United Nations
















Dia 06 di april ta e “International Day of Sport for Development and Peace” unda cu United Nations ta reconoce e poder cu deporte tin pa logra cambionan positivo y paz den nos comunidadnan. E tema di 2025 ta “Leveling the Playing Field: Sport for Social Inclusion” unda ta boga pa igualdad y inclusion na nivel social a traves di deporte. E campaña di e aña aki tambe, tin e tema di “raise your #whitecard” pa asina concientisa tur hende di e 460 miyon muchanan cu ta biba den areanan di gran conflicto rond di mundo. E conflictonan aki ta afecta e muchanan severamente, strobando nan educacion y bida social, unda cu sali pa hunga pafo y haci deporte ta un riesgo demasiado


















grandi.
Forma parti di e campaña di concientisacion y lanta bo carchi blanco, asina

uniendo bo mes na tur otro deportista rond di mundo.
Pa conoce mas di e

campaña aki, mira e siguiente video pa mas informacion: <https://www.peace-sport.org/whitecard-2025/#TEAMARU#raiseyourwhitecard>

<div></div> <div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com</div> <div>Resultado: Sorteo di Anochi - April 01, 2025</div>		
<div></div> <div>Sorteo # 8510</div> <div>7206</div> <div>3317</div> <div>6751</div> <div></div> <div>X2</div> <div></div> <div>Sorteo # 7554</div> <div>1467</div> <div></div> <div>X3</div> <div></div> <div>Sorteo # 2259</div> <div>9760</div> <div></div> <div>Sorteo # 6313</div> <div>9711</div> <div>Tauro</div> <div></div> <div>Sorteo # 1243</div> <div>294</div> <div></div> <div>X2</div>	<div></div> <div>Sorteo # 2580</div> <div>0 x Jackpot</div> <div>0 x Match 4+</div> <div>4 x Match 4</div> <div>156 x Afl. 12,00</div> <div>Joker</div> <div>Letter</div> <div>Proximo Jackpot</div> <div>240.000,-</div>	
<div></div> <div>Sorteo # 6786</div> <div>0 x Jackpot</div> <div>6 x Match 4</div> <div>147 x Afl 8,00</div>	07-15-22-27-28	Proximo Jackpot
	56.000,-	
<div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl 50,00</div> <div>0 x Afl.15,00</div> <div>Mega Ball</div> <div>Proximo Jackpot</div> <div>330.000,-</div>		
<div></div> <div>Afl. 480.000,-</div>		
<div></div> <div>Sorteo #</div>		

<div></div> <div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com</div> <div>Resultado: Sorteo di Merdia 🌀 - April 01, 2025</div>		
<div></div> <div>Sorteo # 4581</div> <div>8470</div> <div>1016</div> <div>5939</div> <div></div> <div>X2</div> <div></div> <div>Sorteo # 4581</div> <div>1168</div> <div></div> <div>X2</div> <div></div> <div>Sorteo # 2637</div> <div>5780</div> <div></div> <div>Sorteo # 4581</div> <div>6527</div> <div>Acuario</div> <div></div> <div>Sorteo # 1455</div> <div>763</div> <div></div> <div>X2</div>	<div></div> <div>Sorteo #</div> <div>0 x Jackpot</div> <div>0 x Match 4+</div> <div>0 x Match 4</div> <div>0 x Afl. 12,00</div> <div>Joker</div> <div>Letter</div> <div>Proximo Jackpot</div> <div>240.000,-</div>	
<div></div> <div>Sorteo #</div> <div>0 x Jackpot</div> <div>0 x Match 4</div> <div>0 x Afl 8,00</div> <div>Proximo Jackpot</div> <div>56.000,-</div>		
<div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl 50,00</div> <div>0 x Afl.15,00</div> <div>Mega Ball</div> <div>Proximo Jackpot</div> <div>330.000,-</div>		
<div></div> <div>Afl. 480.000,-</div>		
<div></div> <div>Sorteo #</div> <div></div> <div></div> <div></div> <div></div>	<div></div>	

ORGANISASHONAN SIVIKO SIVIL TA RECHAZA I DENUNSIJA GEZAGHEBBER SOLIANO SU KARTA DI PROVOKASHON KU TA MENASA I PONE NA PELIGER PAZ DEN KARIBE

E Organisashon di Derecho Humano di Bonaire, den kolaborashon ku e Ministerio Evangeliko di Akshon i e SC Sindikato di Trabou STrAF Divishon Bonaire, Statia, i Saba, a manda un karta di obheshon na Sekretario General di Nashonan Uni Guterres, CARICOM, OECS, OAS, CELAC i COPPPAL denunsiando e karta di provokashon di gezaghebber Soliano ku por kondusi na eskalashon militar i perhudika paz den region di Karibe. E organisashonan sivil siviko ta opone i rechaza firmemente kualke intento pa militarisa Boneiru manera insinua pa gezaghebber Soliano ku no ta skohe pa pueblo pero ku ta nombra i representa Rei i gobierno Hulandes, i ku su akto irresponsabel ta representa un amenaza ku posibel eskalashon i konflikto militar pa Bonaire i region di Karibe.

E pueblo di Bonaire a mantene semper lazonan di amistad historiko ku Venezuela. Hopi di nos hendenan di Bonaire tin desdensia Venezolano, i e komunitat Venezolano na e isla a ko-eksisti na paz ku otro pa generashonnan. E intento di pintá Venezuela komo un amenaza inminente militar no ta solamente infundá, pero tambe ta pone na riesgo un eskalashon inesesario di tenshon den e region.

Nos ta sumamente preokupa ku e karta resien di Gezaghebber Soliano pa gobierno Hulandes, ku ta pidi pa e ministernan di defensa i asuntonan relashon eksterior Hulandes tuma akshon riba lo ke Soliano

ta mira komo un amenaza militar di Venezuela. E deklarashon irresponsabel aki ta aumenta temor i paniko bao di e poblashon lokal i por sirbi komo un preteksto pa intervenshon eksterno, inkluyendo posibel interferensia i instalashon di un base militar di NATO na Bonaire. Un akto asina aki lo provoca un konflikto regional inesesario i pone na peliger paz den Karibe. Si Venezuela reakshona na e alegashon perjuroso den e karta di gezaghebber Soliano, lo por provoca i inisia un konflikto ku potensial pa eskalá na un krisis global, inkluyendo un guerra mundial.

Esituashon humanitari di migrantenan Venezolano no mester wordu manipula pa propositonan geopolitiko of militar. Karibe a keda deklará komo un Zona di Paz pa komuniat internashonal inkluyendo Komunidad di Estadonan Latinoamerika i Karibe (CELAC), i presensia di un base di NATO apenas 50 miya for di kosta di Venezuela lo direktamente pone na peliger e estabilidad aki. Aruba i Korsou ku ta mas serka ku Venezuela i ku tin un influensia mayor di migrantenan Venezolano, a rechaza intervenshon militar similar.

E aspirashon di gobierno Hulandes pa un base di NATO na Bonaire, unda no tin un krisis signifkativo di refugiadonan, ta plantiá preguntanan serio riba e motibonan real.

Nos ta hasi un yamada riba komunitat internashonal pa apoya nos demanda pa paz i desmilitarisashon. Boneiru i e region di Karibe mester keda liber



di intervenshon militar eksterno ku no ta sirbi interesnan di poblashon lokal.

Nos ta urgi Nashonan

Uni i lidernan global pa atende e tema urgente aki i defendé derecho di Bonaire pa keda komo un teritorio pasifiko i

desmilitarisá di akuerdo ku ley internashonal

Bonaire Human Rights Organization

5 PA DOÑONAN DI MASCOTA DURANTE MAL TEMPO

TIPS

1 Tisho un "humidone safety plan" pa bo familia. Na prepará y inclui bo mascotanan den dje. Kasa: nanca bo lo haci uso di dje pero "better be safe than sorry". Diferi e sezonnan di a sezonnan pa un "worst case scenario" y pascuna pa por ehersita e plan ald na cualquier momento. Tentando ocentra cu tur cos cu ta facil lo mester ta facil y accesible pa por swita pa 2 siman, pa:

- Awa, cuminda, algo pa pone awa y cuminda den dje
- Cualquier remedi cu e mascota ta a landand riba dje incluyendo su tratamiento contra carpa, pulga y hanturoni (check fecha di expiracion)
- Un pat carrier
- Un katebak cu sa valling
- Saco di plastic pa pone nan sacchi aden
- Extra leash
- Un coy fanga
- Buki di vesura
- Si dje un potret di bo mascota

2 Pascuna pa bo mascota tin un cominda pa acorda pa awa

3 Pascuna pa bo mascota tin un cominda cu e por sirbi algun di e haya atres di lampor cu atres

4 Pascuna pa bo mascota ta vacunanan ta up to date pa nan ta bon proteta contra malesanan infeccioso cu por sangi especialmente ora awa yobe hopi

5 Pascuna pa bo mascota tin un microchip. Clendel un banchi cu ta clonnan por yuda pero an caso e mascota perde e banchi aki, por trata e info bek na e microchip, contal cu bo info ta up to date

Shima Mi Mascota

Rocco Tjon: Gabinete Eman III a corta fondo pa enseñansa y vivienda social



Diabierna siman pasa Parlamento a trata presupuesto 2025 di pais Aruba. E presupuesto a wordo aproba unanimamente. Nos ta wak bek riba un reunion positivo, aunke cu Gobierno a haci diferente cambionan, cu tin nos preocupa, y cu nos lo keda vigila di cerca.

GABINETE EMAN III A KITA 20 MIYON FLORIN PA TRAHA CAS SOCIAL
Un di e cambionan cu a ser haci y presenta pa Minister Geoffrey Wever ta cu a kita 20 miyon florin cu tawata destina pa traha cas social pa nos pueblo.

Alabes e parti di e suma aki lo a nifica cu lo por reduci of estabilisa e huur cu esnan cu ta biba den un cas di FCCA ta paga.

EMAN A KITA PLACA DESTINA PA ENSEÑANSA Y SECTOR SOCIAL
Tambe Minister Geoffrey Wever a presenta un cambio cu ta contene un reducion di 10% pa tur departamentonan di gobierno. Nos por a wak reducionnan proponi por ehempel pa e sector

Ministerie van Justitie en Sociale Zaken

Kosten

Goederen en diensten

In verband met het overheidsbreed loslaten van een 10%-inkorting op de kostenpost van goederen en diensten, wordt de raming van de goederen en diensten van dit ministerie met Afl. 8.150.000 naar beneden toe bijgesteld.

Subsidies

De raming van de subsidie ten behoeve van de Fundacion pa Nos Comunidad is niet toereikend en wordt met Afl. 474.000 aangevuld.

Ministerie van Onderwijs en Sport

Kosten

Goederen en diensten

In verband met het overheidsbreed loslaten van een 10%-inkorting op de kostenpost van goederen en diensten, wordt de raming van de goederen en diensten van dit ministerie met Afl. 2.869.200 naar beneden toe bijgesteld.

di Husticia y Social na 6.2 miyon florin, pa Enseñansa y Deporte na 2.9 miyon florin y pa Salubridad Publico na 1.4 miyon florin.

Ta mas cu logico cu e cambionan aki ta bay perhudica e bon funcionamiento di e departamentonan aki y consecuentemente e servicio cu ta wordo brinda.

PA CONCLUI

Apesar di e cambionan aki, cu nos no ta sostene, y nos a vocifera esaki durante reunion, den prensa y por escrito, nos a sostene e presupuesto, mirando cu e ta na bienestar di pais Aruba y tur hende cu ta biba kinan.

E siman aki nos lo manda hopi pregunta pa e ministernan en cuestion, nos lo cuminsa bishita e diferente departamento y fundacionnan, pa asina prepara cambionan cu nos

ta bay propone durante presupuesto supletorio.

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

Exitoso Karaoke Festival di Aruba Lions Club



Diasabra 29 di Maart den China Club yen a tuma lugar e di dos festival di Karaoke di Aruba Lions Club. Un total di 26 participante a subi esenario pa asina deleita e publico masha entusiasmo un tremendo show. Themanan na Spaño, Ingles, Papiamento den genero salsa, merengue, ranchera, balada y mas. Mc di anochi tabata Julissa Boekhoudt cu a sa di anima e anochi aki den gran forma. Show a start unda tur participante a canta Himno di Aruba den forma di Karaoke. Tambe presidente di Aruba Lions Club Sr. Danny Maduro tambe a hiba palabra pa gradici e participantenan pero tambe e publico presente.

Show a cuminsa y un tras di otro cada cantante a subi y deleita e publico. George Winterdaal encarga di e lidera e proyecto aki tambe a hiba palabra y a gradici tur persona y a prepara tur persona pa un show special. Como Intermission e algun di e propio miembronan di Aruba Lions Club a duna un presentacion den un sublime medley cu a ricibi na final un gran aplauso di e publico. Tambe cantantenan Xenon Daal y Jetsenia Martinus a deleita tur hende cu nan themanan cu a arasa den Carnaval. Na final e huradonan Nicole, Soledad y Jelise cu conteo di Shemine como Presidente di Hurado a

duna e resultado final. Tur participante a ricibi nan medalla y un Goody Bag di Setar. Best Dress a bai pa Jessy Gonsalves, Popular a keda pa Jasmin Tromp, Rookie a bai pa Suyenne Dania 5to lugar a keda Jhonny Gerritsma, 4to lugar a keda Gilberto Boerleider, 3er lugar a keda Julien Dijkhoff, 2do lugar a bai pa Emilia Stein y Ganadora Absoluto a bai pa Olga Tromp. Aruba Lions Club kier a yama Danki na Hi Performance, Click Print, Renaissance Convention Center, Ricardo's Restaurant, Alhambra Casino, Setar Aruba Nv, Laboratorio Familiar, Playa Linda, La

Cabana, Welcome Back, Ardi Snack, Universal Technologies, Super Do It Center, Papia Mia, Hyatt, G on Air, Letter Table Rental, Lyonel Dirksz, Jullisa Boekhoudt, Gift Baskets Unlimited, The Salon, Bright Bakery, Giovanni Boekhoudt. Na tur medio di comunicacion y locutornan pa apoya e Festival aki. Na e team organisador

Un palabra di pabien, Na tur Lions Member cu a yuda durante e evento y na caminda pa e evento. Danki Danki Danki WE SERVE Y sigur na tur esnan cu a bai apoya e cantantenan, sa cu boso aporta pa a compra e ticket aki ta bai bek den nos comunidad. Keda pendiente pa e proximo evento di Aruba Lions Club.

Clasificados

SOLODIPUEBLO@GMAIL.COM
CEL. 585 9500

SOLO Di Pueblo

U U G U A R D I A J O Y E R O N U T
O I G M S I D E P E N D I E N T E T
C X Z E O A T S I C I T E T S E Z K
I P J A T S I T N E D C N K Z M K L
S A Z F A A V E W R F R A Y O E N G
Ú T H U L H M M F P O I A C Q S Z Y
M S V K M O O E S P R A I I O E G G
L I O R A V R O C M F D F R H R O Y
P N R O R K E I T Á É A E U U O J O
R O E T I H T P S M N B P J U I X G
E R L I N D N O U T R I C A G O C E
S C E R E Q I E Q A A R C N R A N O
I U T C R V P T B L O O G O R V K L
D T O S O I R E B D C R T T Y N I O
E O H E L J A Z A I A S E B N E F G
N F D O D R C N N N A R J K S P V O
T I T A O J E E J P O R E D E N A P
E O I T G R R E Z O R E B M O B B S
W N N R T O R O R E I N E G N I Z U
Q I C N I O B E C M E B C U Y N T Z
P O E T A O C A O I R A T E R C E S


ABOGADO
BARBERO
BOMBERO
CARPINTERO
CARTERO
CIRUJANO
COCINERO
CRIADA
CRONISTA
DENTISTA
DEPENDIENTE
ENTRENADOR
ESCRITOR
ESTETICISTA
FLORISTA
GEOLOGO
GRANJERO
GUARDIA
HOTELERO
INGENIERO
JOYERO
MARINERO
MECÁNICO
MÉDICO
MESERO
MÚSICO
PANEDERO
PASTOR
PILOTO
PINTOR
POETA
PRESIDENTE
SECRETARIO

SUDOKU

	3		2		9		7	
9			4	1	3			8
		1		7		3		
7	1			4			9	5
	8	6	9		7	4	3	
5	9			2			8	7
		8		6		9		
6			1	3	2			4
	4		8		5		6	

		6	7		4	9		
	5			6			8	
2								5
3								1
1								2
	8						3	
		7				6		
			3		9			
				8				

	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	



Oracion di dia

**Un dia fructifero y cu e
luz di Cristo por briya den
cada un di nos**

" ... Pasobra tur hende cu halsa nan mes, lo keda humilia, ma esun cu
humilia su mes, lo keda halsa". Lucas 18,14

Awe nos ta lesa e importancia di humildad y reconoce nos faltanan. Nos
por ta manera e fariseo husingando otro y halsando su mes of manera e
cobrado di belasting ta reconoce su falta y su necesidad di compasion.
Cu humildad nos ta sirbi otro sin busca recompensa; scucha mas y papia
menos, na balora e otronan pa loke nan ta y no pa loke nan tin of ta
aparenta di ta. Reflexionando continuamente ta yuda evita na cay den
orguyo y na mantene nos mirada fiho den e mision cu Señor a confia
nos. Biba cu berdadero humildad ta nifica rechasa e mascaradanan cu
hopi biaha nos ta pone pa impresiona of pa competi cu otro. No biba un
bida superficial of di falsedad, sea un luz pa mundo unda e luz di
Cristo ta briya den bo. Loke ta importa no ta con otronan ta mira nos,
sino con Dios ta mira nos. Ser bo mes y cu humildad ta acerca nos na e
berdadero esencia di nos fe y esey ta haci nos un instrumento den e
man di Dios.

Oracion : Señor Hesus, haci mi curason pareu na bo curason. Manso y
humilde y obedecido na bo Santa boluntad.

Amen.

Canta contento pa SEÑOR, henter mundo; Sirbi SEÑOR cu alegria,
acerc'E cu canticanan di fiesta. Salmo 100.1,2
Cu dolor na nos curason nos ta anuncia fayecimento di
nos yiu, ruman, tata, esposo y amigo

Marcolino Croes

18 April 1974 - 22 maart 2025

Na number di:
Mayornan
† Marcolino Croes y Jean Evelyn Lacle
Rumannan
Saskia Croes y yiu Jenna
Gino & Celina Croes-Tromp y yiunan Joceline y famia,
Alina y Jean-Luc
Alejandra Croes y famia Acosta
Esposa
Yudelca Lara y famia
Yiunan
Diego y famia Reppas
Darren & Dymon y famia Lejuez
Dayrienne y famia Vrolijk
Daliany y famia Torne
Omo y Tanta
Anthony & Yvonne Lacle y famia Dirksz
Roy Croes y famia Peterson
Clyde Croes y famia Croes
Madeline de Haseth-Roos y famia
Lia Lopez y famia
† Gloria Croes y famia
† Tico Croes y famia Williams
† Henry Lacle y famia Rasmijn
Primo y prima
Keidrich Lacle y famia, Nerissa Lacle y famia, Josephine
Lacle y famia, Armand Lacle y famia, Rowin Croes y
famia, Troy Croes y famia, Ryan Croes y famia, Varelie
Croes y famia, Kris Croes y famia, Vicky Croes y famia,
Gilbert Croes y famia, Darlene Buunen-Croes y famia,
Ann-Jillian de Haseth y famia, Eldween Coutinho y famia
Omo y Tantanan grandi
Famianan Croes, Lacle, Bremer, Donata, Jacquin, de
Cuba, Wong, Tromp, Henriquez, Thijssen, Roos,
Langedijk, Oduber, Wever, Dirksz, Peterson, Williams,
Rosel, Leo
Bisiña stima
Teresa Trudeau
Ademas famianan stima
Wernet, Saade, Lejuez, Oduber, Heronimo, Willer, Van
Zetten, Kok, Kock, Winklaar, Wesenhagen, Muntinga,
Croes, Schenker, Burgers, Van Druten, Senior, Quast,
Lesire, Tromp, De Vries, Boom, Borgers, Bikker, Damen,
Benschop, Roos, Pappers, Arends, Leo, Lopez, Figaroa,
Nieuwkerk, Bouwer, Rosel, Schlichting, Rikken, Fingal,
Tjon Ajong, Werleman, Ras, Kruisselbrink, Janssen, Dubero
Nos ta pidi disculpa si den nos tristeza nos por a lubida
un of otro famia.



Restonan mortal lo ta reposa den Misa Immaculada Concepcion Sta. Cruz
diaranson 2 di April 2025 for di 9 AM pa 11 AM.
Despues lo sali pa Santana Santa Maria.

Nos ta lamenta cu despues di entierro nos no ta ricibi bishita na cas

E DIES MANDAMENTONAN DI DIOS PA TEMPORADA DI CUARESMA (CONFESION)

1. Stima y adora bo Senjor y bo Dios di henter bo curason, di henter bo alma, di henter bo sentir, di henter bo ser y mas cu tur cos di mundo y stima bo prohimo manera bo mes.

Akinan nos mester stima Dios mas cu nos mes y mas cu nos famianan.

Den e Ley di Dios aki ta prohibi nos di kere y di participa, den bruheria, den medium, den diosnan falso, den organisacionnan satanico, den illuminatienan, den reiki, den reincarnacion, den pactonan satanico, den hypnotismo, den horoscopo, den yoga, den quija board, no pone tatuahenan riba curpa, no marka e 666 riba curpa y no pone e microchip den bo curpa etc. E mesun ley di Dios ta bisa tambe, di stima bo prohimo manera bo mes. Akinan nos mester stima tambe e pobernan, e chollernan, e drogadictonan, e handicapnan, esnan mentalmente malo, bo enemigonan, esnan di tur rasa y religion. Pero nos no mester stima nan pikanan y nan errornan cu nan ta biba aden.

2. No usa e nomber di Dios sin mester.

No menciona e nomber di Dios den bo dichonan y jokenan bulgar, den bo

palabranan di blasfemia, den bo palabranan malo etc.

3. Santifica dia di Senjor.

E dia di santificacion ta riba Diadomingo dia cu Cristo-Hesus a resucita. Diadomingo ta dia di descanso y e no ta un dia di traha den trabao. Diadomingo ta un dia di famia na unda tata y mama ta tuma tempo pa nan yiunan y tambe di bishita famianan. Diadomingo ta dia di Senjor na unda tur hende ta bai Misa, pa Santifica Dios Su dia den e Santa Eucaristia. Akinan nos ta sigi recorda Cristo Hesus Su Pasion, Su Sufrimento, Su Agonia y Su Morto na Crus te dia E bolbe bini. Den e Santa Eucaristia nos ta ricibi E Curpa y E Sanger di Cristo-Hesus pa nos por tin bida eterna. Lucas 22: 19/20, Huan 6: 53/54. Bai Misa riba Diadomingo ta obligatorio.

4. Honra bo tata y bo mama.

Dios kier pa nos obedece nos tata y mama, pasobra Dios ta conseha nos y spierta nos pa medio di tata y mama. Yiunan cu ta tende y ta obedece nan tata y mama, nan lo haya e pas y e Felicidad den nan bida, den nan matrimonio y den nan famia. Yiunan

soberbia cu no ta honra nan tata y mama, nan bida lo bira desaregla y nan matrimonio lo fracasa. Yiunan, cuida boso tata y boso mama te dia cu Dios yamanan.

5. No mata.

Akinan nos mester respeta bida di tur ser humano. Ta Dios tin nos destino den Su man, pa nos laga e mundo aki. No comete crimen, no comete suicidio, no comete abortus, no comete euthanasia.

6. No comete adulterio.

Dios ta uni e pareha den un solo curpa den e Sacramento di Matrimonio den Misa y Dios no ta reconoce divorcio, Marco 10: 6-9. Na esnan cu a divorcia y ta bay biba cu otro persona, nan ta comete e pika di adulterio, Mateo 5: 31/32. Cristo-Hesus ta bisa, cu ningun di esnan cu ta comete e pika di adulterio, nan lo no drenta den e Reino di Dios, 1Corinthionan 6: 9/10.

7. No horta.

Akinan nos mester respeta propiedadnan di otro, pasobra ta Dios ta duna nos tur loke cu nos tin mester pa biba. Esnan cu a horta y ta debe otro, nan lo paga nan debenan den purgatorio despues di morto.

8. No lanta falso testimonio riba bo prohimo.

Ganjamento y haci redonan falso ta un pika grandi. No instiga otro cu rabia riba otro, no yena otro cu falsedad y odio, no tuma conseho

di personanan pecador y desvia.

9. No comete e pika di fornicacion y e pika di deshonesto.

E pika di fornicacion ta e relacion sexual prohibi pa Dios, cu ta e pika di curpa. Esaki ta esnan cu ta haci relacion den libertinahe sexual, esnan cu ta biba companja, esnan cu ta casa pa Raad so, e prostitutanen y tur relacion sexual pafor di e Sacramento di Matrimonio, ta condenabel. Den 1 Corinthionan 6: 9 / 10, Cristo Hesus ta avisa, cu ningun di esnan den fornicacion, nan lo no drenta den e Reino di Dios. E pika di deshonesto y di inmoralidad, ta e hombernan cu a kita nan tradicion natural pa bira homosexual y e muhernan cu a cambia nan tradicion natural pa bira lesbiana.

Muhernan a cambia nan tradicion natural pa esnan contra naturalesa. Mescos hombernan a kita nan tradicion natural cu muher y a inflama nan mes den e pasion cu homber, den oral y anal sex. Tambe, e hombernan cu ta masturba y ta usa condom pa benta nan spermanan afo, ta wordo

condena. Muhernan cu ta usa tur sorto di anticonceptivonan, pa no sali na estado, ta wordo condena. Den Bijbel Genesis 38: 6-10, Dios Tata a kita bida di Onan, pasobra Onan tabata benta su spermanan afo. Tur sorto di anticonceptivonan a wordo crea pa satanas pa stop Dios Su autoridad di procreacion humano. Romanonan 1: 26/27, Levitico 18: 22, Levitico 20: 13.

Den 1 Corinthionan 6: 9/10, Cristo Hesus ta avisa, cu ningun di esnan cu ta comete e pika di deshonestidad y e pika di inmoralidad, nan lo no drenta den e Reino di Dios.

10. No codicia cos di otro hende.

No codicia loke cu no ta di bo. No codicia e muher di otro, no codicia e homber di otro, no codicia su propiedad, no codicia su beneficienan. No sea envidioso, no sea avaricia, no sea soberbia y no sea lujuria.

Seferino Tromp
Koyari 13-D Cell. 5931157 / 5870048
Id. 57.11.22.40
E-mail: etajuni@yahoo.com

Clasificados



SOLODIPUEBLO@GMAIL.COM
CEL. 585 9500

SOLO Di Pueblo

Paga bo cuenta online ta facil

Sea **Abonnement of Aviso**



Pago online, facil y lihe

Pa hasi pago online pone nomber y adres na cuenta di banco RBC Sunmax Printing account # 7700000100152447